

繇音搖與

乃使中郎

劉敞曰當作中郎將

立丑為粵繇王奉閩

粵祭祀餘善以殺郢威行國中民多屬竊自立為王繇

王不能制上聞之為餘善不足復興師曰餘善首誅郢

師得不勞因立餘善為東粵王與繇王並處至元鼎五

年南粵反餘善上書請以卒八千從樓船擊呂嘉等兵

至揭陽以海風波為解

師古曰解者自解說若今言分疏

不行持兩端

陰使南粵

師古曰遣使與相知

及漢破番禺樓船將軍僕上書願

請引兵擊東粵上以士卒勞倦不許罷兵令諸校留屯

豫章梅領待命

師古曰聽詔命也

明年秋餘善聞樓船請誅之

漢兵留境且往

師古曰言兵在境首恐將來討之

迺遂發兵距漢道號